

АДОЛАТ

IJTIMOIY-SIYOSIY GAZETA

info@adolatgzt.uz

www.adolatgzt.uz

www.adolat.uz

№ 14 (1078)

2016-yil, 1-aprel, juma

Ўзбекистон Республикаси Олий Мажлиси Сенатининг бешинчи ялпи мажлиси тўғрисида ахборот

2016 йил 31 март куни Тошкент шаҳрида Ўзбекистон Республикаси Олий Мажлиси Сенатининг бешинчи ялпи мажлиси очилди. Унда Вазирлар Маҳкамасининг таклиф этилган аъзолари, вазирлик ва идоралар раҳбарлари, бошқа ташкилотлар, оммавий ахборот воситалари вакиллари иштирок этди.

Мажлисни Олий Мажлис Сенати Раиси Н.Йўлдошев бошқарди.

Сенаторлар ўз ишлари «Парламент назорати тўғрисида»ги Ўзбекистон Республикаси қонунини кўриб чиқишдан бошлади. Таъкидланганидек, охириги йилларда давлатимиз раҳбари томонидан ишлаб чиқилган ва парламент томонидан қабул қилинган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мувофиқ парламентнинг давлат ҳокимияти тизимидаги ролини оширишга кўмаклашган чора-тадбирлар кўрилди, ҳокимият тармоқларини бўлиш конституциявий принципини босқичма-босқич рўёбга чиқаришга, Олий Мажлис, маҳаллий ҳокимият вакилилик органлари ваколатлари ва назорат функцияларини кенгайтиришга қаратилган кенг қўламли ишлар олиб борилди.

2014 йилда Ўзбекистон Республикаси Конституциясига парламент назорати институтини конституциявий тарзда мустаҳкамлашга, қонун чиқарувчи ҳокимиятнинг назорат функцияларини янада кенгайтириш ҳамда кучайтиришга, давлат ҳокимияти ва бошқаруви органларининг қонун ҳужжатлари ижро этилиши учун жавобгарлигини оширишга қаратилган тузатишлар киритилди.

Мамлакатимиз Президенти Ўзбекистон Республикаси Конституцияси қабул қилинганнинг 23 йиллигига бағишланган тантанали маросимда «Парламент назорати тўғрисида»ги қонунни қабул қилиш зарурлигини алоҳида таъкидлади.

Кўриб чиқилаётган қонуннинг асосий мақсади Конституция ва қонунлар талабларининг ижро этилиши устидан парламент назоратини амалга оширишнинг ягона ва бир тизимга солинган қошунчилик базасини яратишдан, давлат ҳокимияти ва бошқаруви органларининг зиммасига юклатилган вазифалар ҳамда функцияларининг, шунингдек, муҳим давлат дастурларининг рўёбга чиқарилиши юзасидан ушбу давлат органлари фаолиятининг самарадорлигини ҳамда жавобгарлигини оширишдан иборат.

Қонунда парламент назорати субъектлари ва объектлари белгилаб берилган, унинг шакллари мустаҳкамланган, парламент назорати натижалари бўйича кўриладиган чора-тадбирлар тартибга солинган.

Жумладан, Олий Мажлис палаталари, палаталар кўмиталари (комиссиялари), сиёсий партиялар фракциялари, депутатлар гуруҳлари, депутатлар ва сенаторлар, шунингдек, Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) парламент назорати субъектлари қаторига киритилган.

2 >

> 25 ЙИЛ: МУСТАҚИЛЛИК ВА ТАРАҚҚИЁТ ЙЎЛИ



САҲРО БАҒРИДАГИ ЖАВОҲИР



Мамлакатимиз мустақилликка эришганига ҳам 25 йил бўляпти. Албатта, чорак аср тарих учун катта муддат эмас. Лекин ана шу қисқа вақт ичида республикамиз дунё ҳамжамиятида ўз ўрнига, мавқеига эга бўлган давлатлардан бирига айланди. Энг аввало, бу даврда юртимиз тарихи, халқимиз босиб ўтган ҳаёт йўлини ҳаққоний тарзда ўрганишга киришилди. Қадим шаҳарларимиз, улардаги тарихий обидалар, ёдгорликлар асл ҳолида қайта қурилди, таъмирланди. Уларнинг халқроқ миқёсида 2000, 2500, 2750 йиллик тўйлари ўтказилди.

Юртимиздан етишиб чиққан жаҳон илм-фани ва тараққиётга катта ҳисса қўшган улуғ аждодларимиз, мутафаккирлар, буюк шахсларнинг номлари улуғланди, бебаҳо мероси ўрганилиб, хотиралари абадийлаштирилди. Мамлакатимиз иқтисодий жабҳада ҳам катта ютуқларни қўлга киритди. Аграр давлатдан саноати юксалган, автомобилсозлик саноатига асос солинган, металлургия, кимё, тўқимачилик соҳалари ривож топган республикага айланди. Темир йўللар ва автомобиль йўллари халқроқ талаблар даражасида янгидан барпо этилмоқда.

Илм-фан, соғлиқни сақлаш, спорт, санъат соҳаларида катта муваффақиятлар қўлга киритилди. Айниқса, юртимизда бунёдкорлик, қурилиш ишларига алоҳида эътибор берилмоқда. Ўтган қисқа вақт ичида мамлакатимизнинг бир неча ўнлаб шаҳарлари ва юзлаб қишлоқла-

ри замонавий ҳамда миллий меъморчилик анъаналари асосида янгидан бунёд этилди. Улар обод, кўркем, гўзал, чиройли масканларга айланди. Хуллас, 25 йиллик тарих республикамиз учун мустақилликни мустаҳкамлаш ва тараққиёт йиллари сифатида муҳрланди.

Азиз ўқувчи, газетамизнинг бугунги сонидан бошлаб, янги — «25 йил: мустақиллик ва тараққиёт йўли»

рукни остида замонавий ва миллий шаҳарсозлик яратиш борасида мамлакатимизнинг турли вилоят ва шаҳарларида амалга оширилаётган улуғвор ишлар билан таништириш мақсадида турқум мақолалар бериб боришни режалаштирдик. Ўйтиборингизга ҳавола қилинаётган илк мақола истиқлол йилларида бутунлай янги қиёфа касб этган Нукус шаҳрига бағишланган.

5 >

> ОГОҲЛИК

Дунёнинг айрим ўлкаларида содир бўлаётган воқеа-ҳодисалар инсониятга хавф солиб турган бугунги мураккаб даврда юртимизда ҳукм сураётган тинчлик-осойишталикни асраб-авайлаш ҳар бир юртдошимизнинг ҳаётини вазифасига айланган.

ТИНЧЛИК — ТАРАҚҚИЁТ ГАРОВИ

Зеро, барча соҳаларда барқарор ривожланишга эришаётганимиз, аввало, халқимиз тинчликни бебаҳо неъмат сифатида қадрлаётганидан эканлини, айниқса, ёшлар чуқурроқ англаб етишлари зарур. Шу мақсадда Ўзбекистон «Адолат» СДПнинг ҳудудий ташкилотлари, маҳаллий Кенгашлардаги партия депутатлик гуруҳлари маҳаллалар, ўқув муассасалари, корхона ва ташкилотларда, аҳолининг турли қатламлари ўртасида тарғибот тадбирларини олиб бормоқда.

Олий Мажлис Қонунчилик палатасидаги партия фракцияси аъзоларининг ўз сайлов округларида ўтказган учрашувлари доирасида ҳам «Тинчлик, осойишталик ва барқарорлик — жамият тараққиётининг муҳим омил» мавзусида маънавий-маърифий суҳбатлар ташкил этилди.

2 >

САЙЛОВЧИЛАР БИЛАН УЧРАШУВЛАР

электорат ҳузурида депутатларнинг амалий ишлари таҳлил этилди

> ЮЗМА-ЮЗ МУЛОҚОТ



Аввал хабар қилганимиздек, Олий Мажлис Қонунчилик палатасидаги Ўзбекистон «Адолат» СДП фракцияси аъзоларининг ўз сайлов округлари ҳудудларида сайловчилар билан учрашувлари бўлиб ўтди.

Фуқаролар билан самимий мулоқотлар асносида депутатлар қонунларда белгиланган

тартиблар, норматив-ҳуқуқий меъёрларнинг амалиётда қўлланилиши билан боғлиқ жараёнлар, жойларда аҳолини ўйлантираётган масалаларни яқиндан ўргандилар. Қонун ижодкорлиги фаолиятида янги таклифлар ишлаб чиқишга асос бўладиган жиҳатларга алоҳида эътибор қаратилди.

> ИЖТИМОЙ ШЕРИКЛИК

Тошкент давлат иқтисодиёт университетида Ўзбекистон «Адолат» СДП Сиёсий Кенгаши Марказий аппарати томонидан «Иқтисодиётнинг барқарор суръатларда ривожланиши — аҳоли турмуш фаровонлиги ўсишининг гарови» мавзусида давра суҳбати ўтказилди.

МЕМОРАНДУМ ИМЗОЛАНДИ



Тадбирда Олий Мажлис Қонунчилик палатаси, халқ депутатлари Тошкент шаҳар Кенгаши депутатлари, Ўзбекистон «Адолат» СДП Сиёсий Кенгаши Марказий аппарати, Тошкент шаҳар кенгаши масъул ходимлари, илмий тадқиқот марказлари мутахассислари, партиянинг «Ёш адолатчилар» қаноти фаоллари, ўқитувчи ва талабалар ҳамда ОАВ ходимлари иштирок этди.

3 >

4 >

